



Rimplazzamaint tractor e remuorch da laina - cumprita/surdatta da furniziun

Davo avair manà tras la submitziun pel rimplazzamaint dal tractor e'l remuorch da transport da laina da las Gestions Tecnicas ha la suprastanza cumünala surdat la furniziun a la firma Kohler Landmaschinen AG, Zernez.

Plan da quartier Ils Muots Brail - decisiun da proseguimaint

Il Cumün da Zernez ha manà tras üna publicaziun uffiziala cun l'intenziun da vulair schoglier il plan da quartier Ils Muots a Brail sainza rimplazzamaint. Cun quai chi nu sun entradas ingünas protestas ha il gremi responsabel decis da schoglier definitivamaing il plan da quartier descrit.

Zernez, piazza da sport - rimplazzamaint saiv (etappa 2) – surdatta da lavur

La saiv da la piazza da sport a Zernez es in ün nosch stadi e sto gnir rimplazzada. La prüm'etappa es gnüda realisada d'ürant il 2022. Pel 2023 es previs da rimplazzar la seguond'etappa e finir giò las lavurs. L'incumbenza es gnüda surdatta a la firma Zaunteam, Zernez e vain manada tras insembel culs collavurats da cumün.

EW Zernez - proget Ils Muots vest - surdattas d'incumbenzas

Il proget da fabrica in Ils Muots vest a Brail es instradà. La direcziun operativa ha surdat la furniziun ed il trar aint il cabel da tensiun bassa i'ls s-chavs inclus tuot ils attachs necessaris/previs a la firma EE-Energia Engiadina, Scuol. Inavant es gnü surdat la furniziun da la cabina da scumpart CS Crusch Chanaster a la ditta F. Borner AG, Reiden.

Iglüminaziun publica - baselgia refuormada Zernez - decisiun da credit e da proget

La direcziun operativa ha approvà ün credit supplementar da 8'000 chf pel rimplazzamaint da las duos glüms chi iglümieschan la baselgia refuormada a Zernez. I's fa quint da montar duos novas glüms (Strahler) in LED chi iglümieschan plü restret il clucher e la baselgia. Cun quistas novas glüms as po far quint cun ün respargn d'energia da ca. 1700 kwh per on e cun üna reducziun considerabla da las emissiuns da glüm.

Suprastanza cumünala in fracziun

Il Cumün da Zernez ha manà tras ils 21-03-2023 il prüm inscunter da la suprastanza cumünala in fracziun. Il gremi ha pudü bivgnantar a raduond 20 abitantas ed abitants il Hotel Piz Linard a Lavin. La suprastanza cumünala s'ingrazcha per l'interess demuossà e pella partecipaziun activa.

Il Cumün da Zernez ha acconsenti ils seguaints permess da fabrica:

Parcella no. 0149, Cumün da Zernez, Zernez - proget schlargiamaint provedimaint central da chalur, provedimaints electric e fibr'optica

Parcella no. 0211, Engiadina Recycling AG, Zernez - müdamaint d'adöver prüm plan (da spazi da mansteranza in 4 abitaziuns)

Parcella no. 0403, Cumün da Zernez, Brail - proget infrastruttura Brail vest, Ils Muots (part illa zona da fabrica)

Parcella no. 0410, Sandulache Vlad, Brail - nouva porta externa plan schler

Parcella no. 0951, Sunrise Communications AG, Zernez - restructuraziun indriz da func

Parcella no. 1018, Besio Fadri e Rosana, Zernez - nouva garascha per 2 autos

Parcella no. 1184, Parc Naziunal Svizzer, Zernez - optimar signalisaziun ed inscripziun

Parcella no. 3037, Suter Barbara e von Arx Michael, Lavin - restructuraziun chasa no. 54